



NAFARROAKO PARLAMENTUKO

ALDIZKARI OFIZIALA

V. legegintzaldia

Iruñean, 2000ko azaroaren 3an

89 ZK.

A U R K I B I D E A

—Nafarroako Foru Eraentza Birrezarri eta Hobetzeari buruzko abuztuaren 10eko 13/1982 Lege Organikoaren 29 eta 30. artikulua aldatzeko itunaren testua. Osoko Bilkurak onetsia ([2. or.](#)).

Nafarroako Foru Eraentza Birrezarri eta Hobetzeari buruzko abuztuaren 10eko 13/1982 Lege Organikoaren 29 eta 30. artikulua aldatzeko itunaren testua

OSOKO BILKURAK ONETSIA

Nafarroako Parlamentuak, 2000ko urriaren 26an egindako Osoko Bilkuran, Nafarroako Foru Eraentza Birrezarri eta Hobetzeari buruzko abuztuaren 10eko 13/1982 Lege Organikoaren 29 eta 30. artikulua aldatzeko itunaren testua onetsi zuen.

Biltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2000ko urriaren 30ean

Jarduneko Lehendakaria: Amelia Salanueva Murguialday

Nafarroako Foru Eraentza Birrezarri eta Hobetzeari buruzko abuztuaren 10eko 13/1982 Lege Organikoaren 29 eta 30. artikulua aldatzeko itunaren testua

ZIOEN AZALPENA

Nafarroako Gobernuak, Nafarroako Parlamentuan ordezkartza handiena duten alderdi politikoek behin eta berriz adierazi dutelarik horren aldeko iritzia, juzkatu du komenigarria zela Gobernu edo Foru Diputazioko lehendakaria hautatzeko prozedura berria eratzea, epeak laburtuz eta prozedura automatikoa edekiz, zeinak agintzen baitu proposatu diren hautagaietatik inork ez badu gehiengo soila erdiesten lehen bozketatik aurrera bi hiletan egindako bozketetan, jarleku gehien dituen hautagaia izanen dela lehendakari. Horrez gain antolamendu berrian, lehendakari izateko ezinbesteko baldintza izanen da Nafarroako parlamentaria izatea eta delako lehendakariak ahalmena izanen du, orain arte ez bezala, Parlamentua desegin eta hauteskundeak deitzeko, lehendakaria izendatzeko prozesuak huts egiten duenerako xedaturik dagoena bere hartan utzirik ere.

Abuztuaren 16ko 13/82 Lege Organikoko Atarian xedaturik dagoenez, "Nafarroako Foru Araubidearen berezko ezaugarria da, Konstituzioak gerizatua, Estatuko Administrazioaren ordezkariak eta Nafarroako Diputazioarenek Araubide horren berriztapena eta eguneratzea adostea, Gorte

Nagusiek espainiar herriaren subiranotasun banaezina haragitzen duen Estatuko organo diren aldetik, erabaki aitzin. Bi ordezkartzen artean adostutako hobetzearen izaera eta norainokoa kontuan harturik, Konstituzioaren ikuspegitik beharrezkoa da Gobernuak, bere legegintza-ekimena baliatuz, Lege Organikoaren proiektuaren maila eta izaera eman diezaion Itunari, eta Gorte Nagusietara igor dezan, horiek, nahi badute, Lege Organikoaren gisa horretan sar dezaten Espainiako ordenamendu juridikoan."

Irizpide horiekin bat tramitatu zen Parlamentuan delako Lege Organikoa, zeinak, ildo beretik, 71. artikuluan aurreikusten baitu bere burua berriztatzeko aukera, eta hartarako honako prozedura jartzen: "a) Ekimena Foru Diputazioari edo Nazioko Gobernuari dagokio. b) Behar diren negoziazioak egin ondotik, Foru Diputazioak eta Gobernuak, bat etorriz, berrikuntzaren proposamena aurkeztuko dute, eta hura Foru Parlamentura eta Gorte Nagusietara eramanez, onetsi dezaten, Lege Organikoa hau onesterakoan erabili den bide berari jarraikiz."

Tramite hori ezin hertsia go begiratu dute bai Nazioko Gobernuak eta bai Nafarroakoak, horren ondorioz, Nafarroako Gobernuak lege horren erformarako sustatutako ekimena onartu du Nazioko Gobernuak, eta horrela, behar zen ituna gauzatu da.

Lehenbiziko artikulua.

Nafarroako Foru Eraentza Birrezarri eta Hobetzeari buruzko abuztuaren 10eko 13/1982 Lege Organikoaren 29. artikulua honelakoa izanen da aurrerakoan:

"1. Nafarroako Gobernu edo Foru Diputazioko lehendakaria Parlamentuak hautatuko du bere kideen artean eta Errege izendatuko.

2. Parlamentuko lehendakariak, Nafarroako Gobernu edo Foru Diputazioko lehendakari izateko hautagai bat proposatuko du, Parlamentuan ordezkartza duten alderdi edo talde politikoek izendatutako bozeramaleekin alde aurretik kontsulta eginda.

3. Hautagaiak bere programa aurkeztuko dio Parlamentuari. Hautatua izateko, hautagaiak, lehenbiziko bozketan erabateko gehiengo lortu beharko du. Lortu ezean, beste bozketa bati ekinen zaio hogeita lau orduren buruan eta hautagaiari konfiantza emantzat hartuko da bigarren bozketan gehiengo soila lortzen badu. Gehiengo hori ere lortzen ez bada, hautagaia arbuiatutzat hartu eta hurrenez hurreneko proposamenak izapidatuko dira arestian aurreikusitako era berean.

4. Lehenbiziko bozketatik 30 egun natural iragan eta hautagairik bat ere hautatu ez bada, Parlamentua deseginen da eta berehala hauteskundeak deituko dira. Parlamentu berriaren agintaldiak, hala ere, lehengoaren agintaldia bukatuko zen arte iraunen du.”

Bigarren artikulua.

Lege Organiko horretako 30. artikuluari honako puntu hau eransten zaio, 3 zenbakiaz hornitua.

“3. Nafarroako Gobernu edo Foru Diputazioko lehendakariak, bera erantzule bakar dela eta aurrez Nafarroako Gobernu edo Foru Diputazioak

hala deliberatu duela, zilegi izanen du Parlamentua desegiteko erabakia hartu eta hauteskunderen deia egitea, legegintzaldiaren berezko amaiera baino lehen.

Lehendakariak ez du zilegi izanen Parlamentua desegiteko erabakia hartzea lehenbiziko bilkuraldian, eta ez legegintzaldia bukatzeko urtebete baino gutxiago gelditzen bada, eta ez zentsura mozio bat tramitatzen ari deino, eta ez Estatuko hauteskunde prozesu bat deiturik dagoeno eta ez orain hurrena Parlamentua prozedura horren bidez desegin zenetik gutxienez urtebete iragan arte.

Hartara, hauteskunde dei horretatik sortzen den Parlamentu berriak jatorrizko legegintzaldiaren berezko amaiera bitarteko agintaldia izanen du.”

Azken xedapena

Lege Organiko honek Estatuko Aldizkari Ofizialean argitaratzen den egun berean hartuko du indarra.



NAFARROAKO PARLAMENTUKO
ALDIZKARI OFIZIALA

**HARPIDETZA
ORRIA**

Izen-deiturak

Helbidea

Telefona *Hiria*

P. K. *Probintzia*

Ordaintzeko:

Dirua Nafarroako Aurrezki Kutxako 2054/0000 41 110007133.9 zenbakiko kontu korrontera igorri edo bertan sartu

HARPIDETZAREN PREZIOA ALDIZKARI OFIZIALA ETA BILKURA EGUNKARIA Urte bat..... 6.200 pta. Aldizkari Ofizialaren aleko prezioa..... 145 » . Bilkura Egunkariaren aleko prezioa..... 180 » .	IDAZLARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Arrieta 12, 3 31002 IRUÑA
--	--